



schwwoazz

- - - (so hat alles angefangen - und ein ende gefunden)

schwwoazz is die nocht und i bin ned bei dia
und i kaonn nix dafia hob nua gsungan und glocht
und so laod woa de nocht volla schpaß und bahöö
und i hob meinersöö kan gedaonkn mia gmocht

und so bunt woa die nocht und die wangaln hom gliad
und a handerl beriad gaonz vastoen und gaonz socht
und so schwüü woa die nocht und beim taonz hob i gschpiad
dass heid gwüß was passiad in dea haamlichn nocht

und so haaß woa die nocht und wea hod ween vafiad
und sie hod si ned ziad kane umständ ned gmocht
meingood schwwoazz is die nocht es is boed in da friah
und i bin ned bei dia Herrgott was hosd denn gmocht

und so gschwind is die nocht und da wogn fliagd dahii
dass i boed bei dia bii daon hod s fiachtalich krocht

volla leut is die nocht umadum a radau
und a liacht zuckt so blau um mi wiad s wieda nocht

und so schwwoazz is die nocht und i bin ned bei dia
und i kaonn nix dafia hob nur gsungan und glocht

und so fiachtalich schwwoazz und so schtüü is die nocht
neamma gsungan und glocht und so schwwoazz is die nocht

Lesen Sie [hier](#) die komplette Diskussion zu diesem Text ([PDF](#)).